

ЯНГИ ЎЗБЕКИСТОН

Ижтимоий-сиёсий газета № 5 (1331), 2025 йил 9 январь, пайшанба



www.yuz.uz



yuz.uznews



yuz_official



yuz.uz_news



ЯНГИ ЎЗБЕКИСТОН ҒОЯСИ ҲАЁТИЙ ВОҚЕЛИККА АЙЛАНМОҚДА

“Глобал аҳамиятга эга ташаббусларимиз жаҳон ҳамжамияти томонидан қўллаб-қувватланмоқда. Халқаро майдонда Ўзбекистоннинг рақобатбардор мамлакат, ишончли ҳамкор сифатидаги обрў-эътибори юксалиб бормоқда. Ҳеч шубҳасиз, буларнинг барчаси диёримиздаги барқарорлик, дўстлик ва ҳамжиҳатлик натижасидир”.

Президентимиз Ўзбекистон халқига Янги йил табригида 2024 йил якунларини шундай эътироф этди. Инсон ҳуқуқлари бўйича Ўзбекистон Республикаси Миллий маркази директори, БМТнинг Инсон ҳуқуқлари қўмитаси аъзоси Акмал САИДОВ билан ўтган йил сарҳисоби ҳақида суҳбатлашдик.

Адолат ва қонун устувор



— Ҳақиқатан, жаҳондаги мураккаб вазиятга қарамай, 2024 йил мамлакатимиз учун кутли ва баракали бўлди, — дейди А.Саидов. — Шу маънода, ўтган йил халқимизнинг фидокорона меҳнати, сиёсий-ижтимоий фаоллиги билан янги Ўзбекистон ғоясини реал воқеликка айлантириш ва янги таҳрирдаги Конституциямизни ҳаётга таъбиқ этишнинг ҳал этувчи даври сифатида тарихга муҳрланди.

Ўтган йилда инсон ҳуқуқларини ҳимоя қилиш соҳасидаги миллий

қонунчилик ва ҳуқуқий амалиёт тақомиллаштирилди. Жамиятда инсон ҳуқуқлари маданиятини қарор топтириш бўйича кенг кўламли ишлар бажарилди.

— “Ўзбекистон — 2030” стратегиясини “Ёшлар ва бизнесни қўллаб-қувватлаш йили”да амалга оширишга оид давлат дастури доирасида қандай ишлар бажарилди?

— Аввало, давлат дастурида ҳар бир инсонга ўз салоҳиятини рўёбга чиқариш учун муносиб шароит яратишга қаратилган чора-тадбирлар белгиланди. Бу, ўз навбатида, мамлакатимизда ёшларга эътиборни тубдан кучайтириш ҳамда катта қисмини шижоатли ёшлар ташкил этадиган тадбиркорлар тоифасини қўллаб-қувватлаш бўйича ишлар кўламини янада кенгайтириш имконини берди.

Шу билан бирга, “Ўзбекистон — 2030” стратегияси ижроси инсон ҳуқуқлари ва қонуний манфаатларини таъминлашда катта аҳамият касб этди. Стратегия тадбирлари БМТнинг 2030 йилгача Барқарор ривожланиш мақсадларининг “Ҳеч кимни орда қолдирмаслик” тамойилига ҳамоҳанг амалга оширилди.

► Давоми 3-бетда

Тараққиёт одимлари



ТАЪЛИМ ТИЗИМИДАГИ БУГУНГИ ИСЛОҲОТЛАР МАМЛАКАТ РАВНАҚИГА ХИЗМАТ ҚИЛАДИ

Янги Ўзбекистонда маърифатли жамият барпо этиш асосий мақсад этиб белгиланган. Айнан шунинг учун ҳам давлатимиз раҳбари ўтган йил якунида таълим тизимида эътибор қаратди. Қолаверса, Янги Тошкент худудидаги маърифат масканлари — Ўзбекистон Миллий кутубхонаси, Тошкент давлат педагогика университети ҳамда “Янги Ўзбекистон” университети учун бунёд этилаётган замонавий мажмуаларнинг дастлабки қурилиш жараёни билан танишди. Қисқаси, 2024 йил адоғи илм-маърифат ғояларига уйғун ҳолда янги йилга уланиб кетди.

Ўтган бир йилда юртимизда кўп рақамли соҳалар қатори таълим тизимида ҳам эътирофга лойиқ, тарихий воқеа дейишга аризилик ўзгаришлар, юксалишлар бўлди. Биргина мисол: Абдулла Авлоний номидаги салкам юз йиллик тарихга эга малака ошириш институтида замонавий бинолар қад ростлади ҳамда шарт-шароити бутунлай яхшиланди, муассаса педагогик маҳорат миллий институти сифатида қайта ташкил этилди.

Давлатимиз раҳбари Ўқитувчи ва мураббийлар куни арафасида ушбу маърифат масканида соҳа фидойилари билан учрашиб, байрам билан табриқлади. Самимий мулоқот қилиб, педагогларга давлат мукофотларини шахсан ўзи топширди.

Ушбу тадбирда давлатимиз раҳбари таълим сифатини ошириш мақсадида етти йўналишда аниқ вазифаларни белгилаб берди. Бу вазифалар педагоглар

малакасини ва моддий манфаатдорлигини ошириш, янги боғча ва мактаблар қуриш, соҳани тўлиқ рақамлаштириш, Президент мактаблари ва ихтисослаштирилган ўқув муассасалари таърибасини оммалаштириш, иқтидорли ёшларни саралаш, ўқувчилар тарбияси ва одоб-ахлоқига ҳар қачонгидан кўра кўпроқ эътибор қаратиш каби долзарб масалаларни қамраб олган.

Шунингдек, мактабгача, умумий ўрта, ўрта махсус, олий таълим ва малака ошириш тизими узвийлигини таъминлаб, педагогик таълим кластерлари ташкил этиш муҳимлиги ҳам таъкидланди. “Йил ўқитувчиси” танлови ўтказилиб, 208 та туман ва шаҳардан голиб бўлган ўқитувчиларга Президент совғаси сифатида уй-жой берилиши эълон қилинди.

► Давоми 2-бетда

Ислоҳотлар самараси ИЖТИМОЙ ҲИМОЯ — ИНСОНГА ЭЪТИБОРНИНГ ОЛИЙ НАМУНАСИ

Аҳолини ижтимоий ҳимоя қилиш, инсонга эътибор ва ғамхўрлик кўрсатиш мамлакатимиз тараққиёт стратегиясининг асосий йўналишига айлангани янги Ўзбекистонни инсонпарвар ва ижтимоий давлат сифатида дунёга олиб чиқди. Бу ижтимоий ҳимоя соҳасига мамлакат бюджетидан ажратиладиган маблағ миқдорини ошириш ва қўшимча ресурсларни жалб қилиш, ижтимоий ҳимоя дастурлари қамровини кенгайтириш ва оилаларни оғир ҳаётли ҳолатлардан олиб чиқишга қаратилган қўшимча механизмларни жорий этиш йўналишидаги изчил

ислоҳотларнинг амалий натижасини яққол ифода қилади. “Ўзбекистон — 2030” стратегиясида белгиланган мақсадлар бугун ижтимоий ҳимоя соҳасида ҳар бир муҳтож инсон баҳраманд бўла оладиган ҳаётини пойдевор яратди. Аҳолининг ижтимоий ҳимоя олиш ҳуқуқларини таъминлаш, давлат ижтимоий ёрдами ва хизматларини кўрсатишда самарали механизмлар ишга тушди.

► Давоми 5-бетда



ХУДУДЛАРНИ ОБОД ҚИЛАЁТГАН ҲАРАКАТ

Бугун дунё экологик инқироз ёқасида турибди, десак муболага бўлмайди. Инсониятнинг она табиатга шафқатсизларча муносабати табиий тизимнинг издан чиқишига замин яратди. Мамлакатлар халқаро анжуманларда экологик инқирозларни бартараф этиш чорасини изламоқда. Шу боис, Ўзбекистон ҳам бугун иқлим ўзгариши оқибатларини юмшатишга жадал киришган.

учун ҳам ҳозирданок жиддий сайё-ҳаракатлар талаб этилади.

Мамлакатимизда экологик тоза ва самарали технологияларни жорий этиш, ресурсларни иқтисод қилиш, углерод эксплуатациясини камайитириш устувор вазифага айланган. 2025 йилга Атроф-муҳитни асраш ва “яшил” иқтисодиёт йили дея ном берилгани бу йўналишда қилинадиган ишлар салмоқли эканини кўрсатиб турибди.

► Давоми 4-бетда

“Яшил қалқон” лар кўпайсин

Аслида, бугун биз юзлашаётган муаммолар салкам 130 йил аввал дунё олимлари томонидан башорат қилинган. Ҳар куни атмосферага кўтарилган

карбонат ангидрид концентрацияси кўлами ошиб бораётгани инсон омилли билан боғлиқ. Иссиқхона газлари тарқалиши тўхтатилмас, сайёранинг ўртача ҳарорати кескин ошиши, бу эса қуруқликнинг катта қисмини яроқсиз ҳолга келтириб қўйиши мумкин. Келажақда мана шундай хатарларнинг олдини олиш

14 январь — Ватан ҳимоячилари куни ЖАСОРАТ МАКТАБЛАРИ Ҳар биримиз садоқатли бўлишимиз, ёшларни ҳам шу руҳда камол топтиришимиз зарур

Мамлакатимиз ёшларини ҳарбий-ватанпарварлик, юксак ахлоқий қадриятлар руҳида тарбиялаш, улар онгига тинчликдек олий неъматнинг қадрини сингдириш борасида тизимли ишлар амалга оширилмоқда. Албатта, юрт келажаги билимли, шижоатли, қатъий, мақсадни аниқ қўйиб, шу асосда ҳаракат қилаётган ёшлар кўлида. Шу маънода, келажақ эгаларининг баркамол бўлиб вояга етиши, илму фан, замонавий техника ва технологияларни пухта эгаллаши, давр талаблари асосида таълим ва тарбия олиши, жисмоний тарбия ва спорт билан шуғулланиши учун етарлича шароит муҳайё этиляпти.



► Давоми 2-бетда

